

الأنبياء الكبار

إشعيا - الجزء الثالث

سقوط و قيام أورشليم (28 ل 39)

جزء تاريخي مهم جداً يركز على فترة حزقيا الملك ... إنجازاته و عمل الله معه و مرضه و أخطائه ... و فيها معجزة لَمَّا ربنا مَوّت جيش آشور و أنقذ أورشليم من الحصار

ليه ندرس عهد قديم؟

"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتب عشاننا (الوعود و الوصايا لا تتغير) ... ربنا كَمَل لنا (لم آت لأنقض بل لأكمل)

☰ ترتيب السفر

جزء رائع من سفر إشعيا و وقت حزقيا الملك

إصحاح 28 ل 35

تحذير للمتكلمين على غير الله

لَمَّا اقترب خطر آشور على يهوذا، كان التفكير في الحل البشري مش الاتكال على ربنا

إصحاح 36 ل 38

حزقيا و حصار أورشليم

أعظم و أوضح تدخّل في حرب من ربنا ... لَمَّا أكل عليه حزقيا وقت حصار آشور

إصحاح 39

خطية حزقيا

خطية عملها حزقيا رغم برّه و استقامته ... و كان لها نتائج وخيمة

تحذير للمتكلمين على غير الله

إصحاح 28 ل 35



⚠️ **إصحاح 28 فيه تحذير شديد لأفرايم (مملكة إسرائيل) التي سابت ربنا تماماً و تكبرت و اعتقدت أنها لو عقدت تحالفات و معاهدات مع باقي الشعوب فإنه الشر مش هاييجي عليها ربنا إرادته إنهم يتوبوا و يمشوا صح لكن هم مش عايزين بل تهكموا على كلامه و زودوا العقاب على أنفسهم ... و بالتالي اللي هم متكلمين عليه هايكتشفوا قد إيه هو ضعيف ... و ده اللي حصل فعلاً ساعة ما أشور دقرتهم تماماً**

الذين قال لهم: «هذه هي الراحة، أريحوا الرأج، و هذا هو السكون»، و لكن لم يشاءوا أن يسمعوا.

...

لأنكم قلتُم: «قد عقدنا عهداً مع الموت، و صنعنا ميثاقاً مع الهاوية، السوط الجارف إذا عبّر لا يأتي بنا، لأننا جعلنا الكذب ملجأنا، و بالغش استترنا».

لذلك هكذا يقول السيد الرب: هأنذا أوّسس في صهيون حجراً، حجر امتحان، حجر زاوية كريماً، أساساً مؤسساً؛ من آمن لا يهرب، و أجعل الحق خيطاً و العدل مطماراً،

فيخطف البرد ملجأ الكذب، و يجرف الماء الستارة. و يمتى عهدكم مع الموت، و لا يثبت ميثاقكم مع الهاوية. السوط الجارف إذا عبر تكونون له للدوس

...

فالآن لا تكونوا متهكمين لئلا تُشدد زبطنكم، لأنني سمعت فناء قضي به من قبل السيد رب الجنود على كل الأرض.

(إشعيا 28 : 12 و 15 ل 18 و 22)

🌱 و ينتهي الإصحاح ده بجزء جميل بيشبّه تعامل ربنا مع شعبه بالزراع الحكيم ... اللي محتاج يهيء الأرض و الترية عشان بعد كده يبذر و يروي فثثمر ... دي الحكمة في تعامل ربنا مع شعبه: الله لا يترك شعبه إلى الانقضاء بل يؤدّبهم و ينقّيهم ... هو زارع حكيم و بيعامل كل نوع من البذار حسب احتياجه

إن الشونيز لا يُدرّس بالنورج، و لا تدار بكرة العجلة على الكفون، بل بالقضيب يُخبَط الشونيز، و الكمون بالعصا. يُدقّ القمح لأنه لا يدرسه إلى الأبد، فيسوق بكرة عجلته و خيله. لا يسحقه. هذا أيضا خرج من قبل رب الجنود. عجيب الرأي عظيم الفهم.

(إشعيا 28 : 27 ل 29)

إصحاح 29 فيه تأديب و فداء

- **التأديب ببدا الأول في صورة حصار قوي من مملكة آشور ...** و لازم نتخيّل و نعيش شوية في الأحداث دي عشان نفهم إن آشور شعب شرير و عنيف و دموي جداً و قوي جداً قتالياً و بيقتضي على كل الشعوب بدون رحمة ... معنى إنه يحاصر شعب إن نهايته وشيكة، ماحدث قدر يقف قدام آشور ... شعوب قوية زي بابل ... فما بالننا بيهوذا الصغيرة

و أُحيط بك كالدائرة، و أضايق عليك بحصن، و أقيم عليك متارس. فتتضعين و تتكلمين من الأرض، و ينخفض قولك من التراب، و يكون صوتك كخيال من الأرض، و يشقشق قولك من التراب.

(إشعيا 29 : 3 و 4)

- **لكن الفداء و الإنقاذ يبجي بنعمة و قوة واضحة و معجزية من ربنا ... و ده اللي حصل لما الملاك قتل 185 ألف من جيش سنحاريب بعد ما كان الكل متأكد من هزيمة ساحقة ليهوذا**

و يصير جمهور أعدائك كالغبار الدقيق، و جمهور العتاة كالعصافاة المارة. و يكون ذلك في لحظة بغتة، من قبل رب الجنود تفتقد برعد و زلزلة و صوت عظيم، بزوبعة و عاصف و لهيب نار آكلة. و يكون كُلم، كرؤيا الليل جمهور كل الأمم المتجندين على أريئيل، كل المتجندين عليها و على قلاعها و الذين يضايقونها. و يكون كما يحلم الجائع أنه يأكل، ثم يستيقظ و إذا نفسه فارغة. و كما يحلم العطشان أنه يشرب، ثم يستيقظ و إذا هو رازح و نفسه مشتية. هكذا يكون جمهور كل الأمم المتجندين على جبل صهيون

(إشعيا 29 : 5 ل 8)

💡 و سبب التأديب و إظهار القوة بطريقة معجزية من ربنا هي إن شعبه مابقاش عارفه خالص ... مبقاش فيه أي علاقة شخصية و اتكال على ربنا، بل بعض الممارسات و الحكايات بس

فقال السيد: «لأن هذا الشعب قد اقترب إلي بفمه و أكرمني بشفتيه، و أما قلبه فأبعده عني، و صارت مخافتهم مني وصية الناس مُعلّمة. لذلك هأنذا أعود أصنع بهذا الشعب عجباً و عجباً، فتبيد حكمة حكمائه، و يختفي فهم فهمائه.»

(إشعيا 29 : 13 و 14)

🤔 **إصحاح 30** فيه عتاب شديد ... لأن اللي حصل **(أيام حزقيا الملك) إنه عقد صلح مع بابل و مع مصر (من غير ما يستشير ربنا)** لأنه فكر إن دي شعوب عظيمة و تبقى ساند قوي ليهم (فكر تفكير بشري و لم يتكل على الله أو يستشيره) ... و خصوصاً مصر كان ممنوع العودة إليها خالص ... فربنا عتابه واضح: مصر مش هاتنفعم

الذين يذهبون لينزلوا إلى مصر و لم يسألوا فمي، ليلتجنوا إلى حصن فرعون و يحتموا بظل مصر. فيصير لكم حصن فرعون خجلاً، و الاحتماء بظل مصر خزيًا.

(إشعيا 30 : 2 و 3)

✎ و لوم شديد على **عدم الاستماع لوصية ربنا على لسان إشعيا** ... ربنا بيقول لهم إن نطيتهم دي زي الشرخ الكبير اللي هاخلي المبنى كله يقع في ثانية

الذين يقولون للرأئين: «لا تروا»، و للناظرين: «لا تنظروا لنا مستقيمات. كئونا بالناعمات. انظروا مخادعات. حيدوا عن الطريق. ميلوا عن السبيل. اعزلوا من أمامنا قدوس إسرائيل». . لذلك هكذا يقول قدوس إسرائيل: «لأنكم رفضتم هذا القول و توكلتم على الظلم و الاعوجاج و استندتم عليهما، لذلك يكون لكم هذا الإثم كصدعٍ منقض ناتئ في جدار مرتفع، يأتي هذه بغتة في لحظة.

(إشعيا 30 : 10 ل 13)

ربنا سكتة واضحة: اطمئنوا فإنني أنا حاميكم ... **ارجعوا إلي** .. لكن الشعب رفض فربنا هايؤدبهم ... لكنه يعود فيرحمهم و ينقذهم بمعجزة

لأنه هكذا قال السيد الرب قدوس إسرائيل: «بالرجوع و السكون تخضعون. بالهدوء و الطمأنينة تكون قوتكم». فلم تشاءوا. و قلتم: «لا بل على خيل نهرب». لذلك تهربون. «و على خيل سريعة نركب». لذلك يسرع طاردوكم. يهرب ألف من زجرة واحد. من زجرة خمسة تهربون، حتى أنكم تبقون كسارية على رأس جبل، و كراية على أكمة. و لذلك ينتظر الرب ليتراءف عليكم. و لذلك يقوم ليرحمكم، لأن الرب إله حق. طوبى لجميع منتظريه

...

لأنه من صوت الرب يرتاع أشور. بالقضيب يضرب.

(إشعيا 30 : 15 ل 18 و 31)

⇌ **إصحاح 31** بيكمل في نفس السكة: عقاب بسبب الاتكال على المصريين بدل ربنا و وعد إن ربنا هو اللي هايحمي المدينة

ويُلبس للذين ينزلون إلى مصر للمعونة، و يستندون على الخيل و يتوكلون على المركبات لأنها كثيرة، و على الفرسان لأنهم أقوياء جداً، و لا ينظرون إلى قدوس إسرائيل و لا يطلبون الرب. و هو أيضاً حكيم و يأتي بالشر و لا يرجع بكلامه، و يقوم على بيت فاعلي الشر و على معونة فاعلي الإثم.

(إشعيا 31 : 1 و 2)

و النبوة المرة دي واضحة جداً إن يد ربنا هاتكون هي سبب هلاك أشور

لأنه هكذا قال لي الرب: «كما يَهْرُ فوق فريسته الأسد و الشبل الذي يُدعى عليه جماعة من الرعاة و هو لا يرتاع من صوتهم و لا يتذلل لجمهورهم، هكذا ينزل رب الجنود للمحاربة عن جبل صهيون و عن أكمتها

...

و يسقط أشور بسيف غير رجل، و سيف غير إنسان يأكله، فيهرب من أمام السيف، و يكون مختاروه تحت الجزية

(إشعيا 31 : 4 و 8)

🔥 **إصحاح 32** نبوة جميلة جداً بحلول الروح القدس و كنيسة العهد الجديد

إلى أن يسكب علينا روح من العلاء، فتصير البرية بستاناً، و يحسب البستان وعرأ فيسكن في البرية الحق، و العدل في البستان يقيم و يكون صنع العدل سلاماً، و عَمَل العدل سكوناً و طمأنينة إلى الأبد

(إشعيا 32 : 15 ل 17)

🔥 **إصحاح 33** نبوة جميلة عن العقاب اللي بيبيجي على الظالم ... و صلاة طلباً لرحمة ربنا علينا

ويُلبس لك أيها المخرب و أنت لم تُخرب، و أيها الناهب و لم ينهبوك. حين تنتهي من التخريب تُخرب، و حين تفرغ من النهب ينهبونك.

يا رب، تراءف علينا. إياك انتظرنا. كن عضدهم في الغدوات. خلاصنا أيضاً في وقت الشدة.

(إشعيا 33 : 1 و 2)

و طبعاً دي دعوة لسكان أورشليم إنهم يتوبوا عشان ما يلاقوش نفس المصير ... شبه جداً مزبور 15 (يا رب من يسكن في مسكنك) إن عشان أكون موجود في حضرة ربنا لازم أكون إنسان نقي

ارتعب في صهيون الخطاة. أخذت الرعدة المنافقين: «من منا يسكن في نار آكلة؟ من منا يسكن في وقائد أبدية؟» السالك بالحق و المتكلم بالاستقامة, الراذل مكسب المظالم, النافض يديه من قبض الرشوة, الذي يسد أذنيه عن سمع الدماء, و يغمض عينيه عن النظر إلى الشر

(إشعيا 33 : 14 و 15)

و صهيون تتهلل بربنا مخلصها

أنظر صهيون مدينة أعيادنا. عيناك تريان أورشليم مسكناً مطمئناً, خيمة لا تنتقل, لا تُقَاع أوتادها إلى الأبد, و شيء من أطنابها لا ينقطع. بل هناك الرب العزيز لنا مكان أنهار و تِرَع واسعة الشواطئ, لا يسير فيها قارب بمقذاف, و سفينة عظيمة لا تجتاز فيها.

فإن الرب قاضينا. الرب شارعنا. الرب ملكنا هو يخلصنا.

(إشعيا 33 : 20 ل 22)

إصحاح 34 نبوة ضد أدوم

لأنه قد روي في السماوات سيفي. هوذا على أدوم ينزل، و على شعب حرمة
للدينونة

...

لأن للرب يوم انتقام، سنة جزاء من أجل دعوى صهيون.

(إشعيا 34 : 5 و 8)

✚ **إصحاح 35** إصحاح تعزية جميل جداً ... **ربنا هاييجي و يتصلب عشاننا و يفدينا ...** و يقوينا و
يفرحنا

شدّدوا الأيدي المسترخية، و الزكّب المرتعشة ثبّتوها. قولوا لخائف القلوب:
«تشدّدوا لا تخافوا. هوذا إلهكم، الانتقام يأتي. جزاء الله، هو يأتي و يخلّصكم»

...

و مَفِدِيّو الرب يرجعون و يأتون إلى صهيون بترنّم، و فرح أبدي على رؤوسهم. ابتهاج
و فرح يدركانهم. و يهرب الحزن و التهنّد.

(إشعيا 35 : 3 و 4 و 10)

حزقيا و حصار أورشليم

إصحاح 36 ل 38



إصحاح 36 و 37 دول إصحاحين في غاية الأهمية ... قصة لازم نعيشها عشان نفهمها

- دلوقتي مملكة آشور الدموية هجمت على بابل و فلسطين و سوريا و لبنان و سبتهم كلهم بعد ما خربت هذه البلاد تماماً و قُتِل معظم شعبها ... بعد كده مملكة إسرائيل كمان ... بقى ناقص مصر و يهوذا و يحتلوا العالم كله.
- في الوقت ده كان حزقيا الملك عمل تحالف مع بابل و مع مصر (إشعيا عاتبه عشان كده في النبوات اللي فاتت عشان كان ضد مشيئة ربنا) ... بابل وقعت و مصر لم تنجده.
- مملكة آشور تقدمت و رغم محاولات جيش يهوذا، سقطت كل المدن و لم يبقى إلا أورشليم بس
- حاول الملك حزقيا يطلب سلام من آشور فطلبوا فدية كبيرة جداً ... كلّفت البلاد كل الخير اللي فيها ... لكن رغم إن حزقيا دفع، فوجئ بحصار من جيش آشور ... بدل ما يلفوا و يروحوا على مصر، جُم على أورشليم
- و جيش آشور من أمهر و أشرس و أقوى الجيوش اللي تعمل رعب في نفس أي شعب ... جيش كبير جداً و مَجَهَز جداً و معاه أسلحة رهيبه ... ضد بلد جيشها مجموعة من الرعاة الغلبة

- **و مش بس كده، ده كمان المتحدث (الربشاقى) بتاع الملك سنحاريب كان يجيد الحرب النفسية جداً ...** عرف من فلسطين لغة شعب إسرائيل و إنه مؤمن بربنا، فداول يضعف الناس و يقبلهم ضد حزقيا الملك بكلام بالعبري و أكاذيب كتير عن ضعف جيش أورشليم، و وعد كاذب بالخير من آشور لو سلّموا لهم المدينة، و تهديد بقوة آشور، لكن أصعب كلمة كانت دي:

و الآن هل بدون الرب صعده على هذه الأرض لأخربها؟ الرب قال لي: اصعد إلى هذه الأرض و اخربها

(إشعيا 36 : 10)

- لما إلياقيم (مساعد الملك) سمع الكلام ده، صعب عليه جداً و خاف (لأن نبوات إشعيا و ميخا كانت رايحة في السكة دي) و شق ثيابه من تجديف الربشاقى اللي قال إنه هايهزم ربنا زي ما هزم آلهة الشعوب الثانية ... لكن أمر الملك كان واضح: مش هاسلم المدينة ... **تفاجأ الربشاقى و توعد أورشليم بأسوأ مصير ... و رجع إلياقيم و الشعب و هم في حالة صعبة جداً و قالوا الكلام لحزقيا**

- **حزقيا الملك بيلبس المسوح و يروح يصلي في الهيكل، و يوصي إلياقيم يروح لإشعيا عشان يصلي لهم**

- **إشعيا بيبعت الرد و يطعن الملك بنبوة عن ملك آشور:**

هأنذا أجعل فيه روحاً فيسمع خبراً و يرجع إلى أرضه، و أسقطه بالسيف في أرضه

(إشعيا 37 : 7)

- **و تحصل المعجزة فعلاً!** فجأة شعب أورشليم يلاقي الحصار بيتفك عن المدينة! تفائل الشعب إن مصر أخيراً جت عشان تحارب آشور ... لكن التفاؤل لم يستمر طويلاً: آشور هزمت مصر هزيمة ساحقة.

- **و آشور رجعت تاني عشان تحاصر أورشليم .. بجيش أكبر و أعظم من 185 ألف جندي بمركباتهم و عدتهم ... و الربشاقى جه تاني برسالة مكتوبة فيها تهديد و وعيد من سنحاريب الملك لحزقيا و سخرية إن ربنا مش هايقدر ينجده ... زي ما آلهة باقي الشعوب ماعرفتش تساعدهم**

- المرة دي طبعاً بالعقل ماكانش فيه أي أمل .. لكن **حزقيا أخذ الرسائل و حطها في الهيكل قدام ربنا و صلى صلاة كلها إيمان: إن ربنا هو الإله الوحيد و ماחדش يقدر يغلبه ... و بيترجاه إنه يعمل من أجل اسمه**

و الآن أيها الرب إلهنا خلّصنا من يده، فتعلم ممالك الأرض كلها أنك أنت الرب وحدك

(إشعيا 37 : 20)

- **و إشعيا على طول بعت رد ربنا للملك:**

لذلك هكذا يقول الرب عن ملك آشور: لا يدخل هذه المدينة، و لا يرمي هناك سهماً، و لا يتقدم عليها بترس، و لا يُقيم عليها مترسة. في الطريق الذي جاء فيه يرجع، و إلى هذه المدينة لا يدخل، يقول الرب. و أحامي عن هذه المدينة لأخلّصها من أجل نفسي، و من أجل داود عبدي

(إشعيا 37 : 33 ل 35)

- **بل كمان ربنا يوعد شعبه بالخير (بعد ما بقى فيه فقر شديد في المدينة، إنه الأرض هاتطلع زرع لمدة سنتين):**

و هذه لك العلامة: تأكلون هذه السنة زريعاً، و في السنة الثانية خلفه، و أما السنة الثالثة ففيها تزرعون و تحصدون، و تغرسون كروماً و تأكلون أثمارها.

(إشعيا 37 : 30)

و تحصل معجزة عجيبة جداً: في ليلة واحدة يبجي الملك المهلك بوباء و يقتل 185 ألف جيش آشور، و طبعاً سنحاريب اتصدم لما عرف كده، و عرف إنه بيقابل إله أقوى منه و من جيشه بكتير ... و رجع لنيوى و هناك قتله ولداه ... يعني في 3 آيات انتهت مملكة آشور اللي عملت كل اللي فاتت ده ... دي قوة ربنا

إصحاح 38 عن مرض حزقيا

- **حزقيا جاله مرض شديد** ... هو طلّى و كل الشعب كان يبديه و يصلي له (بما فيهم إشعيا) عشان يخفّ ... لكن كلام ربنا كان واضح:

في تلك الأيام مرض حزقيا للموت، فجاء إليه إشعيا بن آموص النبي و قال له:
«هكذا يقول الرب: أوص بيتك لأنك تموت و لا تعيش»

(إشعيا 38 : 1)

- **للأسف رد فعل حزقيا هايبقى زي رد فعل كثير منّا لو جاله الإحساس ده** ... بكى و طلّى إن ربنا يمدّ في عمره ... و قال له: يا رب أنا كنت كويس و مشيت في سكتك طبعاً ده رد فعل مش صح لسببين:

1. ربنا هو الأب المحب اللي عارف أحسن وقت ياخذ فيه أولاده ... و بالتالي حزقيا كان عنده فرصة ذهبية إنه يتوب ... الموت حقيقة مش شر
2. حزقيا كان ماشي حسب الشريعة، لكن مش معنى كده إنه يستحق حاجة من ربنا ... ربنا بيدي و ينعم علينا كأب صالح، إحنا مهما عملنا مش مستحقين حاجة منه

- **لكن يا حنان قلبك يا رب على ولادك** ... دموع حزقيا غيّرت قرار ربنا

فصار قول الرب إلى إشعيا قائلاً: اذهب و قل لحزقيا: هكذا يقول الرب إله داود أبيك: قد سمعتُ صلواتك. قد رأيتُ دموعك. هأنذا أضيف إلى أيامك خمس عشرة سنة. و من يد ملك أشور أنقذك و هذه المدينة. و أحامي عن هذه المدينة.

(إشعيا 38 : 4 ل 6)

طبعاً بنفهم من القصة و من الأسفار التاريخية إن ده حصل قبل المعاهدة مع بابل و قبل حصار أشور ... و قبل ما حزقيا يتكل على مصر و قبل ما يخلف منسى، يعني فعلاً كان أحسن وقت ليه

المهم إن حزقيا لما خفّ طلّى صلاة رائعة (لأنه زي اللي قام من موت أكيد) بنقراها في سبت النور

خطية حزقيا

إصحاح 39



إصحاح 39 يبين فيه أكبر خطية وقع فيها حزقيا

- في الوقت ده كانت مملكة بابل ثاني أكبر مملكة في العالم بعد آشور ... و كان ملكها (مروخ بلادان) بيخطط إنه يعمل انقلاب ضد آشور ... و كان بيحاول يجتمع البلاد كلها معاه عشان يساعده ... فاستغل موضوع إن الشمس رجعت ده (العلامة المعجزية اللي ربنا أعطاها لحزقيا كدليل على شفاؤه) و بعث رسل للملك حزقيا بمنتهى المكر ... فدواها إنهم مبهورين بيه كناس بتفهم في الفلك و إن اللي حصل ده معجزة عظيمة و دليل إن حزقيا ده شخص عظيم جداً ... و أعطاه هدايا و أكيد عرّض عليه موضوع التحالف ده بطريقة تخلي حزقيا يحس إنه عظيم و قائد.
- للأسف حزقيا هنا تكبر و لم يستشر ربنا ... لم ينسب الفضل لربنا بل فخر بالعقل و وقع في الفخ و فقال إنها فرصة عظيمة طبعاً عشان يقوي نفسه ضد آشور ... قبل الهدايا و التحالف ... و حاول يتفاخر قدام الرسل و وزي الرسل بتوع بابل (طبعاً دول كانوا جواسيس) كل اللي كان عنده من خزائن و خير و أسلحة و دفاعات و الهيكل بالذهب اللي فيه.
- على طول إشعيا النبي جه برسالة من ربنا:

هوذا تأتي أيام يحقل فيها كل ما في بيتك، و ما خزّنه آباؤك إلى هذا اليوم، إلى بابل. لا يترك شيء، يقول الرب، و من بنيك الذين يخرجون منك الذين تلداهم، يأخذون، فيكونون خصياناً في قصر ملك بابل

(إشعيا 39 : 6 و 7)

طبعاً حزقيا ما فهمش إن ده معناه سبي و دمار للهيكل و المدينة على يد بابل بعدها ب 100 سنة (ملوك الثاني 24 و 25)... و النبوة دي غالباً تشير لدانيال و ال 3 فتية ... حزقيا افكر إنه هايضطر يدفع فلوس لبابل ... و شاف إن لو من عنده راح ناس و بقوا وزراء في بابل يبقى شرف و حاجة كويسة ... و قال كده كده الموضوع مش هايبقى في أيامي فخلص ما فيش مشكلة

للأسف لم يتوب (في الوقت ده يعني) و لم يفهم إنه كده زي اللي بيفتح و يورّي كل اللي عنده للشيطان



المراجع

- موقع [The Bible Project](#)
- وعظة أبونا داود لمعي من برنامج [فتشوا الكتب](#)
- موقع [القديس تكلاهيمانوت](#)
- كتاب [The Strength of His Hand](#)